

Август

19/1 Преподобной Макрины, сестры святителя Василия Великого (380).

№70, 82 Ин тропарь глас 8

Юмылан йöрышö Макрина авана, мыланна Юмын пуымо тус тый денет турис аралалтын: вет шке Ыресетым налын, тый Христос почеш каенат да, пытышаш капым коранден, колыдымо чон верч тыршаш пашат дене туныктенат, сандене тыйын шöлышет Суксо-влак дене пырля куана.

Кондак, глас 4

Юмылан йöрышö Макрина авана, поро Юмым уло шöмет дене йöратен, Тудын Кугун Пагалыме Ыресшым вачышкет пыштен, почешыже тыршен каенат, сандене сулык касарымашым налынат.

Величание

Поро пиалан улметым моктена, Юмылан йöрышö Макрина авана, тыйын нерген святой шарнымашым аралена, вет тый мемнан верч Христос Юмынам сөрвалет.

Ин тропарь преподобному Серафиму Саровскому и всея Руси чудотворцу, глас

4

Поро пиалан ачана, изиэт годсекак Христосым йöратен, Тудлан иктылан тул гай служитлаш шоненат, ен уке верыште чарныде кумалын, пашат дене чот тыршен, пушкыдо шöмышкет Христосын йöратымашыжым погенат да Юмын Аван ойырен налме енже лийынат, сандене тыйым йодына: преподобный Серафим ачана, шке кумалмет дене мемнам утаре.

Кондак, глас 2

Түнян чевержым да тысе илышын йомшашыжым коден, Саров обительыш толынат да, суксо семын илен, шукуштлан утаралтмаш корно лийынат, тидлан Христос тыйым чапландарен, паремден кертме да чудым ыштыме моштымаш дене пойдарен. Садланак йодына: преподобный Серафим ачана, куане.

Величание

Поро пиалан улметым моктена, преподобный Серафим ачана, тыйым пагален шарнена, вет тый монах-влакым виктарыше да суксо-влак дене мутланыше улат.

20/2 Пророка Илии (IX в.до Р.Х).

Тропарь, глас 4

Моктымо Илия, кап дене суксо, пророк-влакын негызышт, Христос толшаш деч ончыч кокымшо Предтече, Елисей пророклан черле-влакым паремдаш да проказе чераным эрыкташ кöшычын поро вийым колтен да тудым шотеш пыштыше-влаклан паремдымашым пуа.

Кондак, глас 2

Мемнан Юмынан кугу пашаже-влакым ончылгоч ужшо да увертарыше пророк, кугун пагалыме Илия, шке каласыме шомакет дене вöд йоктарыше пыл-влакым чаренат, Айдемым йöратышым, Иктым, мемнан верч сөрвале.

Величание

Тыйым моктена, тыйым моктена, Юмын пророкшо Илия, тулан орва дене чаплын күзен кайыметым моктена.

21/3 Пророка Иезекииля (VI в. до Р.Х.)

Тропарь, глас 2

Юмын пророкшо Иезекииль, петырыме капкам да Капым налше Юмын тушеч лекмыжым Шўлыш дене ончылгоч ужынат да Юмо икте манынат, сандене йодына: Тудлан кумал, тек Шкенжын чаманымаш капкажым почеш да тыйым порын шарнен мурышо-влакын чоныштым утара.

Кондак, глас 4

Юмын öрыктарыше пророкшо Иезекииль тўнялан пуалтын да Юмын Эрге Господьын, курым-курымешлан толшо Юмын Пачан да Чонгышын, капан лиймыжым чылаштлан ончылгоч увертарен.

Величание

Тыйым моктена, тыйым моктена, Юмын пророкшо Иезекииль, да тыйын нерген святой шарнымашым аралена, вет тый мемнан верч Христос Юмынам сөрвалет.

22/4 Мироносицы равноапостольной Марии Магдалины (I)

Тропарь, глас 1

Чот пагалыме Мария Магдалина, тый Яндар Ёдыр деч мемнан верч шочшо Христос почеш каенат да Тудын чыныш лукмыжым да күштымыжым араленат. Тыйын нерген святой шарнымашым пайремлен, кумалмет дене язык касарымашым налына.

Кондак, глас 3

Чапланыше Мария, тый Утарышын Ыресше воктене моло-влак дене пырля шогенат да, Господьын Аваж дене пырля шинчавўдым йоктарен, моктен ойленат: Могай öрмаш? Чыла чонаным Кучен Ашныше шке кумылын орлана. Тыйын куатетлан чап лийже.

Величание

Тыйым моктена, тыйым моктена, миром кондышо да апостол-влак дене төр улшо Мария Магдалина, Христосын Поро Увержым шарымет годсо орланымет ден пашатым пагален шарнена.

23/5 Почаевской иконы Божией Матери (1675).

Тропарь, глас 5

Владычице, Тыйын святой юмонгат ончылно кумалше-влак пареммашым да чын ўшанымашым налыт, агарян-влакын кержалтмыштым чактарат. Сандене мыланнат, Тый декет толшо-влаклан, сулык касарымашым йод, шўмнам поро пашалан волгалтаре да, чоннам утарыже манын, Шке Эргычым сөрвале.

Кондак, глас 1

Юмым Шочыктышо Ёдыр, Тыйын Почаевский юмонат пареммашын памашыже да чын верам пентгыдемдыше лийын, мемнамат, тудын деке толшо-влакым, чыла ойго да алгаштарымаш деч утаре, Лаврым пентгыдые арале, пошкудо кундемлаште Православийым пентгыдемде да Тылат кумалше-влакын сулыкыштым кудалте: вет шонет гын, тидым ыштен кергат.

Величание

Тыйым моктена, Тыйым моктена, Эн Яндар Ёдыр, акрет годымак Почаевысе курыкышто чапланыше чот жаплыме юмонгатым моктена.

24/6 Мученицы Христины (ок.300).

№76 Ин тропарь, глас 4

Иисус, Тыйын Христина пачат кугу йёкын ўжеш: Качем, Тыйым йёратем, Тыйым кычалын орланем да пудалалтам, Тыйын пуымо Тынеш пурымаште тоялтам, Тый денет ушнымаште кугыжаланаш манын, Тылат верч орлыкым чытем, да Тый денет пырля илаш манын, Тыланет верч колем, Тыланет йёратен кондымо яндар надыр семын мыйым нал. Тудын сёрвалымыж дене, Чаманыше Юмо, мемнан чоннам утаре.

Кондак, глас 4

Чот пагалыме Христина, шёртнё шулдыран волгыдо кёгөрчен гай лийын, тый Пылпомышысо кўкшытыш нёлталтынат, сандене тыйым моктена да моцет воктене ўшан дене кумалына, вет Юмын пуымо паремдымаш тудын гоч чон ден каплан пуалтеш.

Величание

Тыйым моктена, тыйым моктена, Христосын орланышыже Христина, да Христос верч орланыметым пагален шарнена.

25/7 Успение праведной Анны, матери Пресвятой Богородицы.

Тропарь, глас 4

Юмын пуымо ушан Анна, тый Илышым шочыктышым, Юмын Яндар Аважым, шке кёргыштет нумалынат. Курым-курумак моктымо ава, тыйым йёратен шарныше-влаклан сулык касарымашым йодын, куаныше-влакын илыме верыш, вучымо пылпомышыш, чап дене йывырген каенат.

Кондак, глас 2

Христосын кугезыже-влакым шарнен пайремлена, нунын польшыштым ўшан дене йодын, чыла ойго деч утаралтына да ойлена: Шке эрыкет дене нуным чапландарыше Юмо, мемнан дене лий.

Величание

Тыйым моктена, тыйым моктена, чын илыше Анна, Христос Юмынан святой коваже, да тыйын мален колтымо гае колыметым пагалена.

**26/8 Священномучеников Ермолая, Ермиппа и Ермократа, иереев
Никомидийских (ок.305).**

№60 Ин тропарь, глас 4

Господь, Тыйын орланышет-влак, индыралтмышт верч Тый дечет, мемнан Юмына деч, курымашлык венецым налыныт: вет орландарыше-влакым Тыйын пуымо виет дене сұмырал шуэныт да ия-влакын тептердыме ўчыштым шалатеныт. Нунын молитвашт дене, Христос Юмо, мемнан чоннам утаре.

Кондак, глас 4

Кугу ушан Ермолай ачана, святитель саныште алал кумылын служитлен, священный орланымаш венецым налынат, идоллан надырым пуымашым пытарен, Христосын күтүжлан поро күтүчө да Пантелеимонын чын туныктышыжо лийынат, сандене тыйым пагален мурена: шке кумалмет дене мемнам чыла ойго деч эре утаре.

Величание

Тендам моктена, тендам моктена, Ермолай, Ермипп ден Еромкрат священномученик-влак, да тендан нерген святой шарнымашым пагалена, вет те мемнан верч Христос Юмынам сөрваледа.

27/9 Великомученика и целителя Пантелеимона (305).

Тропарь, глас 3

Орланымашым чытыше да черым паремдыше Пантелеимон, поро Юмым сөрвале, мемнан чонлан сулыкнам касарымашым пуыжо.

Кондак, глас 5

Поро кумылан Юмын шұдымыж семын илыше, черым паремдыше куатым Тудын деч налше да Христос верч кугун орланыше Пантелеимон! Шке кумалмет дене мемнан чон языкнам эрыкте. Юмылан, Тый мемнам утаре манын, мурышо-шамыч деч ондалаш төчышө иям поктен колто.

Величание

Тыйым моктена, тыйым моктена, орлыкым кугун чытыше да эмлыше Пантелеимон, да Христос верч орланыметым пагален шарнена.

28/10 Смоленской иконы Божией Матери, именуемой «Одигитрия» (Путеводительница) (принесена из Царьграда в 1046 г.).

Тропарь, глас 4

Юмын Шочмо Аваж деке ме, сулыкан да ўнышө-влак, уло кумылын толына да кумалына, сулыкым кудалташ көргө чон дене йодына: Владычице, полшо, мемнам чамане, тырше, шуко сулыкым ыштымына верчын ме ынде йомна; мыланна, Шкендын айдемет-шамычлан, порым ыштыде ит кодо; Тыланет веле, Иктылан, ўшанена.

Кондак, глас 6

Эн Яндар Ёдыр, Тый дечет моло полшышына уке, Тый дечет моло ўшанна уке. Ме Тыланет ўшанена, Тый денет кугешнена, Тый мыланна полшо, ме Тыйын кулет улына, да вожылмашыш пураш огыл ыле.

Ин кондак, глас 6

Христиан-шамычын ўшанле аралтышышт, Пүрен Ыштыше Юмым мемнан верч эреак сөрвалыше Ава, мемнан, сулыкан-шамычын, кумалмынам ит шұкал, Поро улметлан көра мемнан деке тол да тыге сөрвалымынам кол: Юмым Шочыктышо

Ава, Тыйым пагалыше-влакым эреак арале, мыланна полшаш вашке да чотырак кумал.

Величание

Тыйым моктена, Юмын ойырен налме Эн Яндар Ёдыр, Тыйын юмонат деке ўшан дене толшо-влаклан пареммашым пуыметлан моктена.

29/11 Мученика Каллиника (III-IV).

№57 Тропарь, глас 4

Господь, Тыйын орланышет Каллиник индыралтмыж верч Тый дечет, мемнан Юмына деч, курымашлык венецым налын: орландарыше-влакым Тыйын пуымо виет дене сўмырал шуэн да ия-влакын тептердыме ўчыштым шалатен. Тудын молитваже дене мемнан чоннам утаре.

Кондак, глас 2

Каллиник ачана, кўшылсō моторлыкым шке тыршымет семьяк налынат, Христосым йōратымаш дене ылыжын, тулышко лўдде пуренат, Тудын ончылно шогымет годым мемнан верчат чарныде кумал.

Величание

Тыйым моктена, тыйым моктена, святой орланыше Каллиник, да Христос верч орланыметым пагален шарнена.

30/12 Апостолов от 70-ти Силы, Силуана, Крискента, Епенета и Андроника (I).

№37 Ин тропарь, глас 3

Святой апостол-влак: Сила, Силуан, Крискент, Епенет да Андроник, мемнан чонлан сулык касарымашым пуыжо манын, чаманыше Юмым сōрвалыза.

Кондак, глас 4

Господьын кугу ушан апостолжо-влак, те Христосын виноград укшыжо улыда, порылыкын орлангыжым конден, утаралтмаш йошкар аракам пуэда, тудым йўын, ме йывыртымаш дене темына да тендан нерген святой шарнымашым пайремлена, а те тиде кечын мыланна язык касарымашым сōрвален йодса.

Величание

Тендам моктена, тендам моктена, святой апостол-влак: Сила, Силуан, Крискент, Епенет да Андроник, те шке туныктымыда дене уло тўням волгалтарен, тўнян чыла ужашыжым Христос деке конденда.

31/13 Предпразднство происхождения честных древ Животворящего Креста

Господня.

Тропарь, глас 1

Юмо, Шке калыкетым утаре, Шкендын чыла тўрлетланат порым пўрō, мыланна, чын верам пагалышылан, сенгышашлык вийым пу, Ёресетын куатше дене калыкетым арален ашне.

Священномученика Вениамина, митрополита Петроградского и Гдовского (1922).

Тропарь, глас 1

Святой Петрын олаштыже чот волгыдо светильник, поро күтүчө, священномученик Вениамин ача лектын. Ёшаныше-влакын шүмышкышт йоратымаш ден чаманымашым шынгарен, йорлын да шужен илыше-влаклан полшаш ұжын. Сандене меат тый декет ұшан дене толына да йодына: шочмо элнам Православный ұшанымаште да поро койыш-шоктышышто пенгыдемдыже, Черкылан тынысым да мемнан чонлан кугу чаманымашым пуыжо манын, Чаманыше Юмым сөрвале.

Кондак, глас 4

Священномученик Вениамин, тый Христосын нумалтышыжым самырыкет годымак шке вачышкет пыштенат да закондымо ен-влак деч арам титаклымым, казаматыш петырымым, орлык ден чын огыл судитлымым лүддымын чытенат, Черкын святынбыжым мыскылаш пуэн отыл. Орланен колымет деч ончыч, «Господь, чылаж верчат мый Тыйым моктем» манын, таум ыштен ойлаш Христос тыланет чытымаш ден йоратымашым пуэн.

Величание

Тыйым моктена, тыйым моктена, священномученик Вениамин, да тыйын нерген святой шарнымашым аралена, вет тый мемнан верч Христос Юмынам сөрвалет.

1/14 Происхождение (изнесение) честных древ Животворящего Креста Господня.

Тропарь, глас 1

Юмо, Шке калыкетым утаре, Шкендын чыла түрлетланат порым пүрө, мыланна, чын верам пагалышылан, сенгышашлык вийым пу, Ыресетын куатше дене калыкетым арален ашне.

Кондак, глас 4

Ыресыш шке кумылын нөлталтше Христос Юмо, Тыйын лүметым нумалше у калыкетлан Шке чаманымашетым пу. Мемнам шке виет дене куандаре да тушманшамычым сенгаш полшо, вет тынысым аралаш да сенгалтдыме лияш Тый мыланна Ыресым пуэнат.

Величание

Тыйым моктена, тыйым моктена, Илышым Пуышо Христос, да Тыйын Святой Ыресетым жаплена, вет тудын дене Тый мемнам осаллан тарзыланыме деч утаренат.

2/15 Перенесение из Иерусалима в Константинополь мощей первомученика архидиакона Стефана (ок. 428).

Тропарь, глас 4

Икымше орланыше Стефан, Христос Юмо верч орланыметлан көра вует кугыжан венец дене сорастаралтын. Вет тый иудей-влакын осалыштым чарашке луктынат, Ача Юмын пурла велныже шке Утарышетым ужынат, ынде Тудым мемнан чонна верч сөрвале.

Кондак, глас 6

Чыла моктымо Стефан, поро пиалан икымше орланыше, Пылпомышто Тыршыше Юмо тыйым мландымбаке эн ончыч үден, да Христос верч вүрым йоктарыше тый икымше улат, Пылпомыштат Тудын деч сенгымаш венецым эн

ончыч налынат, орланыше-влакын тўнгалтышыже лийын, орланымаш венецым нумалат.

Величание

Тыйым моктена, тыйым моктена, икымше святой орланыше архидиакон Стефан, да Христос верч орланыметым пагален шарнена.

3/16 Преподобных Исаакия, Далмата и Фавства (IV-V).

№46 Тропарь, глас 4

Мемнан ачана-шамычын Юмыжо, мемнам шке ўнышылыкет дене кучен ашныше, шке чаманымашетым мемнан деч ит коранде, святой-шамычын кумалмышт дене илышнам тынысын виктаре.

Кондак, глас 2

Пўтым кучен, кече гай волгалтында, шке ўшанымашда дене те шояк туныктымашым сененда. Христослан йўрышў Далмат ден Фавстым да Исаакийым ме пырля моктен мурена, вет нуно мемнан верч Тудым сўрвалат.

Величание

Поро пиалан улмыдам моктена, Юмылан йўрышў Исаакий, Далмат ден Фавст ачана-влак, тендан нерген святой шарнымашым аралена, вет те монах-влакым виктарыше да суксо-влак дене мутланыше улыда.

4/17 Семи отроков, иже во Ефесе: Максимилиана, Иамвлиха, Мартиниана, Иоанна, Дионисия, Ексакустодиана (Константина) и Антонина (ок. 250; 408-450).

Тропарь, глас 4

Курыкпомышто кугу ўшанымашын чудыжо лийын: тушто шым святой рвезе кугыжан полатыште гай илен. Колымекышт нунын капышт локтылалтын огыл. Шуко жап гыч мален кынелме гай ылыж кынелыныт да чыла енын ылыж кынелшашым ончылгоч увертареныт. Христос Юмына, нунын кумалмышт дене мемнамат чамане.

Кондак, глас 4

Тўнясе пытышашлык деч корангын, курымашлык поянлыкым налында, кап локтылалтде колымашым ужында. Шуко ий эртымеке ылыж кынелын, ўшаныдыме-влакын осалыштым сененда, тидлан кўра таче ме, ўшаныше-влак, Христосым моктен мурена.

Величание

Тендам моктена, тендам моктена, Ефесысе шым святой рвезе, да тендан нерген святой шарнымашым пагалена, вет те мемнан верч Христос Юмынам сўрваледа.

5/18 Предпразднство Преображения Господня.

Тропарь, глас 4

Христосын Волгалт вашталтмыжым ончылгоч увертарена, шушаш пайремым волгыдын вашлийын, ме, ўшаныше-влак, мурена: Юмын йывыртыме кечыже шуын, Кучен Ашныше Господь Шкенжын Юмо моторлыкшым волгалтарен ончыкташ Фавор курыкыш кўза.

Кондак, глас тойже

Юмын Волгалт вашталтмыже дене таче айдемын чыла пўртўсшө öрыктарышын волгалтын да куанен мура: чылаштым утараш манын, Христос Волгалт вашталтеш.

6/19 Преображение Господа Бога и Спаса нашего Иисуса Христа.

Тропарь, глас 7

Христос Юмо, курык ўмбалам Шкендым волгалтарен, тунемшет-шамычлан ужын кертмышт наре чапетым ончыктенат. Тыйын эре улшо волгыдет Шкендын Аватын кумалмыже дене мыланнат, языкан-шамычлан, волгалтше. Волгыдым пуышо Юмо, тау Тыланет.

Кондак, глас 7

Христос Юмына, Тый курык ўмбалам Шкендым волгалтаренат, да тунемшет-шамыч шынгарен кертмышт наре Тыйын чапетым ужыныт. Вара Тыйым пудалымым ужмекышт, орлыкым эрыкет дене чытыметым умылат, да Ача Юмо гыч лекше чын Волгыдо улат манын, калыкчан туныкташ тўнгалыныт.

Величание

Тыйым моктена, Тыйым моктена, Илышым пуышо Христос, яндар капетын Волгалт вашталтмыжым моктена.

7/ 20 Попразднство Преображения Господня. Преподобномученика Дометия Персянина и двух учеников его (363).

Тропарь, глас 4

Эре шарныме поро пиалан Дометий ачана, Юмылан йöрышö орланыше, курыкышто пўтым кучен иленат да тушман-шамычын чоян кержалтмыштым тый Ыресын вийже дене сененат. Ўшанымашын кердыже дене Копронимым пуштын, орланымаш дене лўдде вўдылалтынат, тидлан кöра Юмо деч венецым налынат.

Кондак, глас 6

Юмылан йöрышö орланыше Дометий ачана, пытышашлыкым да ўлык шупшшо шонымашым коранден, монах-влакым туныктенат, Христосым чын Юмылан шотлыдымо кугыжан шыдыж деч лўдын отыл. Сандене колымет годымат муренат: Юмо мый денем гын, ваштареш нигöат шоген огеш керт.

Величание

Поро пиалан улметым моктена, Юмылан йöрышö Дометий ачана, тыйын нерген святой шарнымашым аралена, вет тый монах-влакым виктарыше да суксо-влак дене мутланыше улат.

8/21 Святителя Емилиана исповедника, епископа Кизического (815-820).

№91 Тропарь глас 8

Чын Ўшанымашке виктарыше, поро койыш-шоктышлан да яндарлыкчан туныктышо, сандалыкын волгыдыжо, архиерей-влакын Юмын пуымо сылнылыкше,

кугу уш-акылан Емилиан, шүм-чонын семүзгарже, тый туныктымашет дене чыла волгалтаренат, мемнан чоннам утарыже манын, Христос Юмым сөрвалеле.

Кондак, глас 3

Святой Троице верч порын кредалше Емилианым Черке таче моктен мура, вет тый тудын верч орланенат, сандене тыйым пагален шарнена. Чын Юмым палыдымевлакын кержалтмышт деч шке кулет-влакым утаре.

№93 Величание

Тыйым моктена, тыйым моктена, святитель Емилиан ачана, тыйым пагален шарнена, вет тый мемнан верч Христос Юмынам сөрвалет.

9/22 Апостола Матфея (ок.63).

№37 Тропарь, глас 3

Святой апостол Матфей, мемнан чонлан сулык касарымашым пуыжо манын, чаманыше Юмым сөрвалеле.

Кондак, глас 4

Пашат дене öрыктарыше апостол Матфей, тыйын волгыдо туныктымет уло туняшке кече семын шарлен да чын Юмым палыдыме калык-влакын черкыштымат порылык дене волгалтара.

Величание

Тыйым моктена, тыйым моктена, Христосын апостолжо Матфей, Христосын Поро Увержым шарымет годсо орланымет ден пашатым пагален шарнена.

10/23 Мученика архидиакона Лаврентия Римского (258).

№57 Тропарь, глас 4

Господь, Тыйын орланышет Лаврентий индыралтмышж верч Тый дечет, мемнан Юмына деч, курымашлык венецым налын: орландарыше-влакым Тыйын пуымо виет дене сүмырал шуэн да ия-влакын тептердыме үчыштым шалатен. Тудын молитваже дене мемнан чоннам утаре.

Кондак, глас 2

Шүмыштет Юмым нумалше орланыше Лаврентий, шүметым Юмын тулжо дене ылыжтен, алгаштарыше тулым мучаш марте сененат, орланыше-влакым пенгыдемдыше ачана, орланымет годымат үшанен ойленат: Христосын йöратымашыж деч мыйым нимоат ойырен огеш керт.

Величание

Тыйым моктена, тыйым моктена, святой орланыше Лаврентий, да Христос верч орланыметым пагален шарнена.

11/24 Мученика архидиакона Евпла (304).

№57 Тропарь, глас 4

Господь, Тыйын орланышет Евпл индыралтмыж верч Тый дечет, мемнан Юмына деч, курымашлык венецым налын: орландарыше-влакым Тыйын пуымо виет дене сўмырал шуэн да ия-влакын тептердыме ўчыштым шалатен. Тудын молитваже дене мемнан чоннам утаре.

Кондак, глас 1

Христосын законжым кидешет нумалын, тушман-влак ваштареш подвигыш шогалмет годым ойленат: орланаш мый шкемым шке пенгыдемденам, сандене керде дене руалыкташ вуетым куанен савенат, илышетым тыге мучашленат.

Величание

Тыйым моктена, тыйым моктена, святой орланыше Евпл, да Христос верч орланыметым пагален шарнена.

12/25 Мучеников Фотия и Аникиты и многих с ними (305-306).

№60 Тропарь, глас 4

Господь, Тыйын орланышет-влак, индыралтмышт верч Тый дечет, мемнан Юмына деч, курымашлык венецым налыныт: орландарыше-влакым Тыйын пуымо виет дене сўмырал шуэныт да ия-влакын тептердыме ўчыштым шалатеныт. Нунын молитвашт дене мемнан чоннам утаре.

Кондак, глас 2

Юмын шўлышан да лўддымө Фотий ден Аникитам, Христослан ўшанле кок еным, пенгыде койыш-шоктышым чоткыдын кучымышт да моло енымат тыгак кучаш туныктымышт верч чапландарена да муро дене моктена.

Величание

Тендам моктена, тендам моктена, Христосын Фотий ден Аникита орланышыже-влак, да Христос верч орланымыдам пагален шарнена.

13/26 Отдание праздника Преображения Господня. Перенесение мощей преподобного Максима Исповедника (662).

№91 Тропарь, глас 8

Чын Ўшанымашке виктарыше, поро койыш-шоктышлан да яндарлыклан туныктышо, сандалыкын волгыдыжо, архиерей-влакын Юмын пуымо сылнылыкше, кугу уш-акылан Максим, шўм-чонын семўзгарже, тый туныктымашет дене чыла волгалтаренат, мемнан чоннам утарыже манын, Христос Юмым сөрвале.

Кондак, глас 6

Поро пиалан Максим, Кумытло Волгыдо чонышкет шынген, тыйым ойрен налме атым ыштен. Юмын пашажым тый мланде тўр марте ончыктенат, умылен керташ лийдымым чылаштан раш умылтарен, Тўнгалтышдыме да чыла вере улшо Святой Троице нерген туныктенат.

Величание

Поро пиалан улметым моктена, чын илыше святой Максим ачана, тыйым пагален шарнена, вет тый монах-влакым виктарыше да суксо-влак дене мутланыше улат.

14/27 Предпразднство Успения Пресвятой Богородицы.

Тропарь, глас 4

Ен-влак, ончылгоч куаныза, йоратен погынен, киднам рүзалтен, волгыдын йывыртен, чыланат таче каласена: Юмын Аваже мландымбач Күшылсыш чаплын вончаш ямдылалтеш, Юмым Шочыктышым ме муро дене моктена.

Кондак, глас тойже

Сандалык Тыйым чапландарен шарна, ужаш лийдыме шүдыш дене моторештын, порын йывырта да Тыланет ойла: Яндар Ёдыр, христиан-влакын моктымашышт, йывырте.

15/28 Успение Пресвятой Владычицы нашей Богородицы и Приснодевы Марии.

Тропарь, глас 1

Юмын Аваже, Тый дечет шочшо лийын гынат, яндар Ёдырак кодынат, колымекетат калыкым коден каен отыл. Илышым пуышын Аваже улат да Илышым пуышо декак каенат. Шкендын кумалмет дене мемнан чоннам колымаш деч утарет.

Кондак, глас 2

Нойыде кумалшым да йодмо годым эн ўшанле ўшаным, Юмым Шочыктышо Ёдырым, шўгар ден колымаш шке кидыштышт кучен кертын огытыл, вет эреак яндар көргышкыжө Илаш Пурышо Юмо Тудым, Илышын Аважым, илышыш кусарен.

Величание

Тыйым моктена, Тыйым моктена, мемнан Христос Юмынан Эн Яндар Аваже, Тыйын мален колтымо гае колыметым чапландарена.

16/29 Попразднство Успения Пресвятой Богородицы. Перенесение из Едессы в Константинополь Нерукотворного Образа Господа Иисуса Христа (944).

Тропарь, глас 2 (65 стр.)

Тыйын Эн Яндар түсетлан кумалына, Поро, шке сулыкнам касараш йодына, Христос Юмо: Шке кумылын кап дене ыресыш күзаш келшенат да пўрымө-шамычетым осаллан пашам ыштыме деч утарет. Сандене, таум ыштен, Тыланет мурена: чылам куан дене теменат, мемнам Утарыше, тўням утараш толшо.

Кондак, глас 2

Ачатын ончыктен мошташ лийдыме Шомакше, ен-влак верч Юмын öрыктарышын тыршымыжым да Тыйын чынжымак капан лийметым пален, кид дене огыл, а Юмын возымо да сенымашым кондышо түсетым пагален шупшалына.

Величание

Тыйым моктена, тыйым моктена, Илышым Пуышо Христос, да Тыйын святой юмонгатым пагалена, вет тудын дене мемнам тушманлан тарзыланыме деч утаренат.

17/30 Мученика Мирона пресвитера (250).

№ 57 Тропарь, глас 4

Господь, Тыйын орланышет Мирон индыралтмыж верч Тый дечет, мемнан Юмына деч, курымашлык венецым налын: орландарыше-влакым Тыйын пуымо виет дене сұмырал шуэн да ия-влакын тептердыме ўчыштым шалатен. Тудын молитваже дене мемнан чоннам утаре.

Кондак, глас тойже

Чыла моктымо да пагалыме Мирон ачана, Христосым изиэт годымак йөратенат да Тудын Божественный күштымашыжым шуктен, Тудын дек тичмашын толынат, суксо-влак дене пырля тыршен кумалат, тыйым порын шарныше-влаклан сулык касарымашым йод.

Величание

Тыйым моктена, тыйым моктена, святой орланыше Мирон, да Христос верч орланыметым пагален шарнена.

18/31 Мучеников Флора и Лавра (II).

Тропарь, глас 4

Ме, ўшаныше-влак, Юмын ушан да кугу күкшытыш шушо кок волгыдо енгжым: поро пиалан Флор ден чот пагалыме Лаврым – күлеш семын моктена. Эре улшо Троице нерген те чылаштан тыршен да раш туныктенда, тидлан верч вўр марте орланен, волгыдо венецым нумалше лийында: мемнан чоннам утарыже манын, Христос Юмым сөрвалыза.

Кондак, глас 8

Тўня таче Христосын кугу уш-акылан да поро койыш-шоктышан орланышыже-влакым, Флор ден Лаврым, пагален мокта, вет нунын кумалмышт дене порылык ден чаманымашым налына, суд кечын тўрлө ойго да энгек, шыде да орлык деч утаралтына.

Величание

Тендам моктена, тендам моктена, святой орланыше-влак Флор ден Лавр, да Христос верч орланымыдам пагален шарнена.

Иконы Божией Материй «Всецарица»

Тропарь, глас 4

Кучен Ашныше Ёдыр, порылыкетым шокшын кычалше-влакым Тыйын куаным кондышо чот пагалыме «Всецарице» юмонгат дене утаре, Тый декет толшо-влакым тўрлө ойгышт деч коранде да аралтышетым эре йодшо күтўэтым тўрлө нелылык деч переге.

Кондак, глас 8

Тыйын у юмонгат ончылно шогена да Тыланет, Всецарице, алал чон дене мурена: Тый декет толшо кулет-влаклан пареммашым колто, да йывырген ойлена: порылыккет дене эмлыше Всецарице, куане.

Величание

Тыйым моктена, тыйым моктена, Эн Яндар Ёдыр, Христос Юмынан Аваже, да Тыйын святой юмонгатым пагалена, вет Тый декет ўшанен толшо-влакым Тый порын эмлет.